

修訂日期: 2006/01/04 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1232

原始資料: 蕭鎮國大德提供, 北美某大德提供

No. 1232

播般曩結使波(唐云步擲)

金剛念誦儀

歸命金剛手	諸佛所依者
具普賢眾行	住是本有身
無始無終寂	妙用施諸願
摩王順三毒	改劫故調柔
拯救諸有情	從凡入佛地
現世皆成就	今演念誦義

次若有比丘比丘尼優婆塞優婆夷。樂修步擲明王心真言者。當如法治地建立道場。修先行門面東而坐。所須供養飲食香華。隨力當陳務令清潔。入道場已遍禮諸佛。一心歸依願登正覺。然後結跏趺坐或復半跏。以香泥塗手備諸印契。次明三部及護身。知諸教儀此略不抄。

次乃端身正坐息諸緣慮。當觀己身皆由先世之因。成此四大五蘊。於一一求實不得無常敗壞。速起速滅即色即空。如是了了決定信解已。其能觀之不可泯滅。成真實智。廓周法界。量等虛空。以大悲故從真起用。乃想己身形如本尊威儀亦等不一不異。

復結前三昧金剛杵契。以印於心誦心真言曰。

唵(一)纈哩(二合)儒[口*臨](二合三)

由此契及真言加持。行者心如本尊。

及舉契印頭誦真言。

唵(一)部[口*臨](二合二)

由此契及真言加持故。猶同本尊。

亦以契印額右肩左肩及心喉。皆誦被甲冑真言。

唵(一)儒[口*臨](二合二)

由此契及真言加持故。即成被金剛甲冑無能燒害。由如前觀行及誦真言加持故。行者之身與本尊無異。諸佛受記龍天歸仰。決定成無上正等菩提。

金剛槩契

契相以右無名指入左無名指小指間。中指入左中指頭指間。左亦如之。餘指並頭相拄。想成火焰金剛杵形。以大指著地。卓而掣之。掣一誦至三而止。隨意大小標心

。即成金剛堅固地界。真言曰。

唵(一)枳里枳里嚩日羅(二合二)嚩日里部羅(三)滿馱滿馱(四)

[合*牛]泮吒

由此結契及真言加持故。下至金剛際悉如金剛座。天魔及諸障者不為惱害。

次方隅金剛牆界。

契相准前地界。開二大指豎之。側如牆形。右邊身三轉。標心大小即成金剛堅固之城。諸佛菩薩尚不違越。何況諸餘難調伏者。悉不能近。真言曰。

唵(一)沙羅沙羅(二)

嚩日囉鉢囉迦(引)邏(三)泮泮吒

行者次當想於壇中有八葉蓮華。上有師子之座。座上有七寶樓閣。垂諸瓔珞繒綵幡蓋。寶柱行列垂妙天衣。周布香雲。普雨雜花奏諸音樂。寶瓶闍伽天妙飲食摩尼為燈。作是觀已。

結大虛空藏契。契相合掌當心。蹙二頭指如寶形。并舒二大指押頭指根。二中指右押左外相交。互著手皆契成。誦真言曰。

唵(一)伽伽那三婆嚩嚩日囉斛

由結此契及誦真言加持故。所想供養等物。真實無異聖眾受用。

寶車輅契

契相二手內相叉仰掌。頭指橫相拄。以二大指各捻頭指根下。想成七寶車輅。金剛賀御乘空而去。至於本尊之宮。誦真言三遍。真言曰。

唵(一)都嚕都嚕(二)泮

由結此印及真言加持故。七寶車輅至尊宮殿。想大聖本尊及諸眷屬昇輅車。

請車輅契

契相準前契。互以大指向身撥中指。誦真言三遍。真言曰。

那莫悉底哩野地尾迦南薩嚩怛他夔多南(二)唵(二)

嚩日啣擬那野(引)迦囉沙野嚩啞啞(若奉送除來句加去句)薄伽晚(六)馱嚩訶(七)

由結此契誦真言加持故。聖眾從本宮來。赴於道場依空而住。

本尊三昧耶降道場契。契相二手內相叉作拳。右大指入。掌左大指向身招之。真言曰。

唵(一)嚩日囉地哩迦(二)

嚩啞啞(三若奉送除[目*壹]啞啞加伽車)薄伽梵(四)嚩日囉地哩迦(五)

由此真言契加持故。本尊不違本誓。集於道場。

步擲契

契相先正立。舉右足向左斷空。逐日右轉使頓地。又移左足就右如初立。乃舉左足向右斷空。因向左頓地屈膝。乃舉左手頭指已下成拳。以大指押頭指側。想執三股

杵極力展臂向左擬勢。右手大指入掌。以中名指握之。頭指及小指皆舒之。極力垂臂手背向外。死出現嗔目左顧想。餘臂悉如本尊執持。亦菩薩等。每想器拭之手。皆誦器拭真言曰。

唵虐

又想舉身三威焰由如劫燒。徹至十方一切世界。廣作佛事照觸言悟。一切如來初成道者願速轉法輪。度眾生者破其小器。臨涅槃者勸請久住。次當勸發菩薩之眾願。皆速證無上菩提。於其中間慎無退屈。復當啟發二乘之人。除其小兒令具大乘甚深空慧。凡夫之界威光所及。樊藏識中雜染種子。永離三途具普賢行。傍生餓鬼盡此一形不復更受。亦想樊諸地獄。壞滅無餘罪人。解脫發菩提心諸惡魔等。遇者摧伏辟除退散。如是量久利益既畢。想收威焰集於身中。然後出定。次復如如初依法。而坐。

上方金剛網契

契相準前牆契二大指捻頭指下節。誦真言三遍。頭上右轉三二逆。真言曰。

唵(一)尾塞普羅(二)娜[口*落]乞叉嚩日囉半惹囉(三)[合*牛]泮吒

由此網契真言加持故。當成金剛堅固之網。

火院密縫旋契。契相左手掩右手背豎二大指。誦真言三遍。右繞身三匝。想金剛牆外。火焰圍繞。真言曰。

唵(一)阿娑莽擬儻(二)[合*牛]泮吒

次捧闕伽器近額想浴聖眾之足。

普供養契

契相二手合掌右押左交。指初分即成。誦真言三遍。諦想無量無邊塗香雲海末香雲海燒香雲海花鬘雲海燈明雲海飲食雲海衣服雲海。及一切供養等物皆成清淨廣多供養普供養真言曰。

那莫薩嚩怛他彙帝彌逾(二合一)尾濕嚩暮契藐(二)薩嚩他欠(三)鄔娜伽帝(四)娑頗羅系儻(五)誡誡曩劍(六)馱嚩訶

本尊心真言曰。

唵(一)纈[口*臨](二合二)尾[口*臨](二合三)部[口*臨](二合四)素[口*臨](二合五)儒[口*臨](二合六)虐

次復思惟己身與本尊無異。持金剛子珠。誦次前心真言。正念誦時觀本尊形像。或觀真言所有文字。或觀本尊心上有真言字。或寂靜心相應念誦。不急不緩亦不太小。課限畢己心欲除息際。仍須良久住本尊觀。復獻闕伽亦結普供養運心供養誦本真言。次結火院密縫契。頭上左轉一匝即成。解界次結降道場契向外撥之。想聖眾歸宮。次結護身契。準前印五處。各誦本真言。

次誦大輪金剛真言二十一遍真言(此略不寫抄如餘本所謂一種取用)由誦此真言故。所有違犯軌則之愆。悉滅無餘功不虛棄。其息災增益降伏三事法。廣如蘇悉地經中所陳

。任作成就當知福祐畫像法。用應肘量[統-儿+木]如儀清淨。圖畫本尊遍身青色。右顧舒右足屈左膝。右上手垂下。屈大指入掌。中名指握之。舒餘二指手背向外。次手持桃垂下。次下舒掌向下。掌中有火焰。次手鐵斧。次玉環次豎擬指。指上有輪。次拳大指押頭指側。次繚索。次舒五指。甲長而利仰掌。末手持弓。右近上手三股杵。舒臂向上。次劍。次握圓石。次短柄槌槌如重輪。次兩隻箭。次杖。次獨股杵。次舒掌。掌仰頭指大指相捻勢。次寶棒棒上麓近把處漸細末。舒掌向下。掌有焰鬘。皆散豎。亦色以龍為冠鬘瓔珞。手足釧及要縞等。頻眉猛視利牙出現。赤色方裙赤色傘蓋。魔王波旬俯伏在地。而四臂通身青色。迴面向上求哀請命。舒右手五指側近額作歸命勢。左手拈地下。二手有一龍。自肘後縛之。髮赤色而散。如有大恐怖之狀。頭近大聖右足。本尊左右有一金剛童子。並通身赤色形體光碩。右傍者。右手持桃。左執劍向下斫魔王勢。髮向後垂而作赤色。左傍者左挽弓射魔王頭勢。髮髻似赤紗色。之右字却是左。左字却是右。為隱。

步擲金剛修行儀軌一卷